



漢石例卷二

寶應劉寶補錄

墓碑例

碑文渾書先世高曾祖父不名例

童子逢盛碑薄令之元孫遂成君之曾孫安平君之孫五官掾之長子也

金石錄 豫州從事尹宙碑東平相之元會稽太守之曾省孫字不可為法

此渾書四世也其有渾書三世者太尉橋公碑

元子也 元儒先生婁壽碑 碑云曾祖父攸春秋川相之大鴻臚之曾孫廣

安倉守賤不可 渾書二世者司空文烈侯楊公碑 碑云公惟司徒之

守胡公碑 碑云交阯都尉之孫汝南周巨勝碑 碑云陳留太守之

來碑 碑云太尉安樂侯之孫公之子 並見蔡中郎集 渾書二世一為

遠祖一為近代者孔德讓碑 碑云宣尼公二十世孫都博陵太守孔彪

碑 碑云孔子十九世之孫頴 渾書二世及世父叔父者議郎元賓碑 碑

漢石例卷之二

魯相之孫成德闕東安平令北海相 渾書二世及兄弟者涪于長夏承

碑 碑云東萊府君之孫太尉掾 渾書一世者太傅文恭侯胡公碑 碑

交阯都尉之元子 金城太守殷君碑 碑云大匡君苑 大尉陳球碑 碑

太守之元子也 集古錄 隸釋 鄭中鄭固 古文苑 大尉陳球碑 碑

孝廉柳敏車騎將軍馮緄沛相楊統諸碑同 渾書一世但書遠祖者泰

山都尉孔宙碑 碑云孔子十九世孫 渾書一世及兄弟者費鳳別碑 碑

守之長兄也 督郵班碑 碑云司吾君少子尚書 然古人臨文不諱豈

以不稱其先世名為敬哉使其先世無所表見而子孫金石之文又不

載其名字豈孝子慈孫顯揚褒大之意哉撰文者權其先世顯晦或名

或不名可也 金石錄曰漢時碑碣載其家世皆止書官爵蓋為子孫作

何人也 容齋三筆碑誌之作本孝子慈孫欲以稱揚其父祖之功德

播之當時而垂之後世當直存其名字無所避隱然東漢諸銘載其先

代多只書官如涪于長夏承碑云東萊府君之孫太尉掾之申子左中

先敘遠祖後敘近代俱不名例



漢太尉楊公碑姬姓之國有楊侯者公其後也其在漢室赤泉侯佐高丞  
相翼宣咸以盛德光于前朝祖司徒考太尉繼跡宰司咸有勳烈蔡中郎集  
先敘遠祖後敘近代遠祖名近代不名例

太尉楊公碑其先蓋周武王之穆晉唐叔之后也未葉以支子食邑于楊  
因氏焉周室既微裔胄無緒暨漢興烈祖楊喜佐命征伐封赤泉侯嗣子  
業絛冕相繼公之不考以忠蹇亮弼輔孝安登司徒太尉蔡中郎集  
太尉汝南李公碑蓋秦將李信之後孝武大將軍廣之胄也枝流葉布家  
于茲士文武繼踵世為著姓曾祖父江夏太守伯父東郡太守此近代兼及伯父不

彭城姜伯淮碑其先出自帝胥在皇唐蓋與四岳共葉能禮於神舜命秩  
宗爰封于呂其裔呂望佐周克殷俾侯齊國姓有姜氏即其後也高祖祖  
父皆豫章太守頴陰令

右例竹邑侯相張壽司隸校尉魯峻等碑畧同並見又有同是近代高  
祖名祖父不名者太尉橋公廟碑山子孫之紹基立姓者咸以為氏漢  
橋林祖侍中廣川相考東萊太守蔡中郎集高祖及父皆不名高  
祖稱官父稱字者戚伯著碑碑云勃海君元孫季又有遠祖字近代名  
者元文先生李子材碑碑云景先李伯陽周柱下史觀衰世而遁焉其  
支胄散逸其遷于宛尙矣王莽竊位漢祚中移考翼在世不書遠祖近  
代但書祖字而不名者司理校尉楊准碑碑云大司隸孟文書遠祖不  
書近代但書兄遠祖名兄不名者金鄉長侯成碑碑云其先出自幽岐  
漢之興也侯公納策宣多日功佐國要盟齊魯嘉會自邠因邑焉家焉  
統侯光武中興元孫霸為臨淮太守擁兵從光武平定天下轉拜執法  
右刺姦五威司命大司徒公封於陵侯枝葉繁茂或家河洎或邑山濟  
君則上黨太守 同上世有遠近名有顯晦故或書或不書附錄於此不別為  
例

漢石例卷之二

先敘近代後敘遠祖俱不名例

陳留太守胡公碑交阯都尉之孫太傅安鄉侯少子也其先與楚同姓別

封子胡以國為氏臻乎漢弈世載德不替舊勳蔡中郎集

北軍中候郭仲奇碑元城君之第四子其先蓋周之冑緒虞郭建國享土

受胙政衰道失晉克其邦遭癘項之際高祖初起運天符命斥秦擽楚遂

定漢基枝葉雲布列於國郡隸釋

隸釋郎中馬江碑廣漢屬國候李翊碑畧同

先敘近代後敘遠祖近代不名遠祖名例

鴻臚陳君碑君太丘君之元子也始祖有虞受禪陶唐亦以命禹其後媯

滿當周武王時祚土于陳君其世也古文苑

太尉陳球後碑君廣漢太守之元子也蓋周存六代媯滿繼虞建國于陳

逯完徂齊實為陳氏公下父自營州來宅海淮世軌典藉兼通勤誨振裘

漢石例卷之二

禍卽徵聘荅宰司荷顯貢者繼世而傳焉隸釋

先敘近代旁及伯叔兄弟子姓俱不名後敘遠祖名例

安平相孫根碑司空公之伯子樂安太守之兄子漢陽太守侍御史之兄

乘氏令之考厥先出自有殷元商之系子湯之苗聖武定周封比干之墓

肩裔分析避地匿軌姓曰孫焉金石錄

金石錄曰姓苑姓纂皆云孫氏衛武公子爾為衛上卿因氏焉此碑云

比干之後蓋古人或因賜姓命氏或以官或以封或以居或以王父字

為氏故姓氏雖同而源流或異 碑文有先敘近代旁及兄弟不及伯

叔子姓俱不名後敘遠祖名者小黃門譙敏碑碑云鄴君之中子章君

先故國師譙贛深明策陳識錄圖緯能精徹天意傳道與京君明君承厥後不忝其美 隸釋又有先世書字兄弟書

名者斥彭長碑弟颺漁陽太守 弟颺字與先為執金吾 隸釋附錄於此不別為例

敘遠祖不敘近代遠祖名例

文範先生陳仲弓碑其先出自有虞氏中葉當周之盛德有嬀滿者武王配以太姬而封諸太昊之墟是爲陳胡公春秋之末失其爵土遂以國氏焉世督懿德令聞不顯蔡中郎集下同

貞節先生范史雲碑先生陶唐氏之後也其在周室有士會者爲晉大夫以受范邑遂以爲氏漢文景之際爰自南陽來家于成安生惠延熹二年官至司徒廷尉君則其後也

瑯琊王傅蔡公碑蓋倉頡之精胤姬稷之末胄也昔叔度文王之昭建侯于蔡以國氏焉迄于平襄周祚微缺王室遂卑齊晉交爭強楚侵陵昭侯徙于州來公族分遷氏家于圍奕葉載德常歷官尹以逮于茲

太尉楊震碑金石山陽太守祝睦碑荆州刺史度尙碑隸釋畧同廟碑亦有用此例者郡掾史張元祠堂碑蔡中郎集是也金石錄又載巴郡太守樊敏碑周太王文王武王皆書名妄甚不可爲法

漢石例卷之二

敘遠祖不敘近代遠祖不名例

先生郭輔碑其先出自有周王季之中子爲文王卿士食菜隸釋於號至於武王錫而封之後世謂之郭春秋之時爲晉所分隸釋歷戰國秦漢子孫派分隸釋來居荆土氏國立姓焉隸釋

詳敘先世功德書名例

國三老袁良碑厥先舜苗世爲封君周之興虞闕父典陶正嗣滿爲陳侯至元孫濤塗初氏父字立姓曰袁魯僖公四年爲大夫哀十一年頗作司徒其末或適齊楚而袁生口獨留陳當秦之亂隱居河洛高祖破項實從其冊天下既定還宅扶樂孝武征和三季生曾孫幹斬賊公先勇拜黃門郎封關內侯食遺鄉六百戶後錫金紫僊修城之艱幹薨子經嗣經薨子山嗣傳國三世至王莽而薨君卽山之曾孫隸釋

隸釋綏民校尉熊君碑畧同按敘述先世稱美不稱惡此定例也校官

碑敘其先世獨及弑君之潘崇此固古人直筆然華耦無故揚其先人  
華督之惡左氏譏之則校官碑固不可爲訓

詳敘先世功德不書名例

豪長蔡湛頌其先關周封叔然案叔下當是度字似宜入遠祖書名例  
葉文王采食蔡關嗣其氏麻世卿尹有功王室迄於大漢繼踐繁隆內任  
台翼外作股肱元初之關口口口擾攘君考銜詔東掃其難宰化關苻守吳  
郡再在口口復牧青州風聲所加口口口布愛樹之美釋

隸釋巴郡太守張納敦煌長史武斑梁相費汎浚儀令衡立諸碑畧同  
詳書先世功德旁及伯叔兄弟功德例

漢成陽令唐扶頌其先出自慶都感赤龍生堯王有天下大號爲唐治致  
雍熹尊天重民禪位虞口光受茅土通天三統苗胄枝分相土脈居因氏  
唐焉累世合祚受天之祐肩嗣爾光爲漢台輔君父孝廉郎中早卒季父

漢石例卷之二

蜀郡從弟會稽會稽從弟南陽君從兄東萊太守南陽弟司空公在朝透  
隨正色竭忠爲國討暴六侯俱封受土襲爵金縉十三釋

北軍中候郭仲奇碑其先蓋周之胄緒虞郭建國享土受胙政衰道失晉

克其邦遭癘項之際高祖初起運天苻命庠秦擿楚遂定漢基枝葉雲布

列於國郡或潁川馮翊公卿校尉將相州郡令問休貴自東郡衛國家於

河內汲隸釋於誤汲誤奕世載德以臻于君君惠兄竹邑侯相次尚書

侍郎次濟北相順弟臨沂長次徐州刺史次中山相次雒陽令咸以孝廉

公府茂選貞亮皦白翼翼瑛彥配周之八爲國楨幹同上碑旁及從父文多關

書天潢先世例

酸棗令劉熊碑厥祖天皇大帝垂精接感篤生聖明口仍其則子孫亨之  
分源而流枝葉扶疏出王別胤受爵列土封侯載德相繼丕顯光武皇帝  
之元廣陵王之孫俞鄉侯之季子也釋

隸釋太尉劉寬光祿勳劉曜碑畧同

書國戚先世例

中常侍樊安碑厥祖曰仲山父翼佐周宣出納王命爲之喉舌曰致中興  
食采于樊子孫氏焉奕世載德守業不愆在漢中葉篤生哲媛作合南頓  
實產世祖征討叛逆復漢郊廟而樊氏以帝元舅顯受茅土封寵五國壽  
張侯曰公德加位特進其次竝以高聲處鄉校侍中尙書據州典郡不可  
勝載爲天下著姓古文苑

一人立二碑皆書名字邑里世系例

太尉劉寬碑公諱寬字文饒宏農華陰人也其先□□聖漢王侯繼次有  
國有號列存家序公之考乃作司徒輔昆安順勳載二葉故吏李謙等立劉寬後  
碑□□□文饒宏農華陰人也厥祖出自□□□臣王侯相繼遭漢中  
徵失其爵土世祖復阡仍有顯位光輔王室公之考作司徒於安□□□

漢石例卷之二

六

勳績昭乎前朝

門生殷苞等立 隸釋

一人立二碑一敘名字近代及遠祖一敘名字近代不及遠祖例

陳留太守胡公碑君諱碩字季叡交阯都尉之孫太傅安鄉侯少子也其  
先與楚同姓別封於胡以國爲氏臻乎漢奕世載德不替舊勳縉紳及太  
守胡公碑君諱碩字季叡交阯都尉之孫太傅安樂侯之子也主簿高吉等立 蔡

集中郎

左氏襄三十一年傳立胡女敬歸之子于野杜預注胡歸姓之國又春  
秋昭十一年五月夫人歸氏薨杜注胡女歸姓九月葬我小君齊歸何  
休公羊注歸氏胡女史記集解引服虔曰胡歸姓之國也是胡非楚同  
姓

一人立二碑皆書遠祖不書近代一載名字里一不載名字里例

山陽太守祝睦碑君諱睦字元德濟陰太守已氏人也其先蓋高辛氏之

火正以能濟暉天地曰祝融遂獲豐阜之旆輝裔昌遠大乃侯伯分仕諸  
夏鄭有祝聃者君其肩也未載立碑姓名祝睦後碑伊余祝君兆自蔡辛祝融苗  
胄承獲禎慶光裔熾藐分仕六國張雄諸夏鄭有祝聃者君其肩也昔祖  
仕湯湯治於梁洮顛自朔家于濟陰故立王堂等  
立 隸釋

一人立二碑皆書名字及遠祖近代一書近代名一不書近代名例

太尉陳球碑君諱球字伯真有虞氏之裔也當周盛德有虞過父為陶闕下

公生公子完適齊為桓公公正其後強大遂有齊土楚漢之闕下官生七有

令名廣漢太守故吏陳球後碑君諱球字伯真廣漢太守之元子也蓋周

存六代媯滿繼虞建國于陳逕完徂齊實為陳氏公闕下父自營州來宅海

淮未載立碑姓名隸釋

隸釋曰水經注陳球墓前有三碑是弟子管寧華歆等造此碑所見皆

故吏故民而無管華姓名豈與劉寬碑相類其一則弟子所立乎陳公

漢石例卷之二

兩碑皆在淮陽水經謂墓前有三碑似指碑陰為一也

一人立二碑一敘先世一不敘先世例

陳太邱碑先生云云河南尹立文範先生陳仲弓碑其先出自有虞氏中葉當

周之盛德有媯滿者武王配以太姬而封諸太昊之墟是為陳胡公春秋

之末失其爵土遂以國氏焉世督懿德令問不顯子紀立蔡中郎集

堂邑令費鳳碑君體履柔和云云妻弟卜費鳳別碑君諱鳳字伯簫梁相

之元子九江太守之長兄也世德襲爵銀艾相亞舅家中孫石勛立隸釋

隸釋廣漢屬國都尉丁魴碑不敘先世其有別碑與否無文以明之

一人立三碑兩碑敘名字先世一碑不敘名字先世例

太傅文恭侯胡公碑公諱廣字伯始交阯都尉之元子也故吏池喜立太傅胡

公碑維漢二十有一世云云據王允立胡公碑公諱廣字伯始南郡華容人

也其先自媯姓建國南土曰胡子春秋書焉列于諸侯公其後也考以德

行純懿官至交阯都尉

故吏許詡等立蔡中郎集

嬀姓乃歸姓之誤見前左氏昭四年胡子始見於經杜注胡國汝陰縣西北有胡城胡在汝南故云建國南土

一人立三碑一畧敘先世不載名字一詳敘名字邑里及先世一僅載名字例

司空文烈侯楊公碑曰漢有國師司空文烈侯楊公公惟司徒之孫太尉公之肩子子鹿立漢太尉楊公碑公諱賜字伯猷宏農華陰人姬姓之國有

楊侯者公其後也其在漢室赤泉侯佐高丞相翼宣咸以聖德光于前朝祖司徒考太尉繼跡宰司咸有勳烈屬吏立文烈侯楊公碑公諱賜字伯猷

云云門人立蔡中郎集

水經注載橋元三碑秦頡三碑金石錄載郭禧二碑文不全載無以知其體例

漢石例卷之二

書薨例

太尉橋公碑頌光和七年五月甲寅薨蔡中郎集

書卒例

文範先生陳仲弓銘中平三年八月丙子卒同上

書不祿例

元儒婁先生碑熹平三年二月甲子不祿集古錄案隸釋作正月至所載集古錄仍作二月疑正字誤孔德讓碣永興二年七月遭疾不祿同上案謝本集古錄作一年據隸釋及所載集古錄並作二年今從之

曲禮天子死曰崩諸侯曰薨大夫曰卒士曰不祿此常稱也錄其一二以見例不備錄鄭氏注曲禮曰自上顛壞曰崩薨顛壞之聲卒終也不祿不終其祿正義崩者墜壞之名譬若天形墜壓然薨者崩之餘聲也

諸侯卑死不得效崩之形但如崩後之餘聲卒畢竟也大夫是有德之位仕能至此亦是畢了平生故曰卒士祿以代耕而今遂死是不終其

祿曲禮又曰壽考曰卒短折曰不祿鄭注謂有德行任爲大夫士而不爲者老而死從大夫之稱少而死從士之稱案下不得兼上故崩薨之稱大夫以下不敢稱也上得兼下故春秋書他國君薨皆曰卒又左氏成十三年傳呂相絕秦曰無祿獻公卽世無祿文公卽世諸侯亦稱不祿昭七年傳子產爲豐施歸州田於韓宣子曰日君以夫公孫段爲能任其事而賜之州田今無祿早世大夫亦稱不祿然則卒與不祿又諸侯以下之通稱也

書終例

陳太邱碑中平三年八月丙子遭疾而終蔡中集

隸續封邱令王元賓碑遭命而終冀州從事郭君碑晦晷而終同案檀弓君子曰終小人曰死注死之言斲也事卒爲終消盡爲斲正義君子之死謂之爲終言但身終功名尙在若小人之死但謂之爲死無功名

漢石例卷之二

可錄但形骸漸盡也按終卒對文則別散文則通

書不瘳例

廷尉仲定碑嘉平元年孟秋上旬君遭疾不瘳金石錄

隸釋竹邑侯相張壽碑遭疾無瘳同

書丁憂例

太尉汝南李公碑徵河南尹母憂乞行服闋奔命蔡中集

貞節先生范史雲銘除郎中萊蕪長未出京師喪母行服上

右明書丁憂水經注清水篇桂陽太守趙越碑云遭大君服闋泚水篇日南太守胡著碑云遭母憂隸釋博陵太守孔彪碑云遭大君服闋署廣漢屬國侯李翊碑云遭從事太尉陳球後碑和云遭親母憂還署安平相孫根碑云遭公夫人憂服闋徵拜議郎案碑云向闕牽公爭招安平相孫根碑云遭公夫人憂服闋徵拜議郎案碑云向闕牽公爭招元丕碑云遭夫人憂泰

司空公之伯子故根之母稱公夫人云遭離母憂五五斷仁洪氏曰五五隸續

闕還巴郡太守樊敏碑與費鳳碑五五同義謂二十五日也隸續

臺

臺

封邱令王元賓碑碑云以母憂去官並書憂與李公碑畧同隸釋冀州

刺史王純碑碑云喪父服衛尉衡方碑碑云會喪太夫人喪闋苦由仍

拜議司隸校尉魯峻碑碑云喪父如禮太尉陳球碑碑云喪母去官光祿勳劉

曜碑碑云喪母服並書喪與范史雲銘畧同 陳君立曰公羊傳臣有

大喪君三年不呼其門此丁憂所自昉歟

成臯令任伯嗣碑除江州令以服去官金石錄

右渾書丁憂

丹楊太守郭昱碑曰父憂去官還拜郎中侍御史遭母喪服除復拜郎中

治書侍御史隸

右連書丁憂 案漢代近古日知錄所載韋義楊仁譙元戴封馬融陳

質賈逵范滂劉衡圉令趙君曹全度尙楊著陳重王純諸人並以期功

之喪丁憂去官其未載者蔡中郎集陳留太守胡公碑遭叔父憂以疾

漢石例卷之二

自免隸釋繁陽令楊君碑會叔父太尉公薨委榮輕舉投徽如遺隸續

司隸校尉楊准碑弟弼西鄂長伯母憂去官是也今人有能行者是宜

特書以示旌異然不數見故不立例又漢代尊舉主持服去官隸釋太

尉劉寬二碑並云喪舊君去官是也持服之事雖始于管仲見禮記然

非禮也故不錄

書告病例

太尉橋公碑頌遷河南尹遂陟司徒託病遜位起家拜尙書令以疾薦稱

拜光祿大夫後拜太尉久病自替蔡中郎集

太傅文恭侯胡公碑封安樂鄉侯錄尙書事稱疾屢辭策賜就第復拜司

空功成身退俾位特進又拜太尉復以特進致命休神又拜太尉遜位歸

爵旋于舊土徵拜司徒疾病就第

汝南周巨勝碑初以父任拜郎中疾去官察孝廉是時郡守梁氏外戚貴

寵非其好也遂以病辭

三碑皆屢稱引疾疾輕而病重包氏注論語曰疾甚曰病也鄭氏注曰病謂疾益困也許氏說文曰疾病也病疾加也是也故文先疾而後病若僅一引疾則但稱疾中郎集司空楊公碑見遺姦黨用嬰疾廢太尉汝南李公碑功遂身退以疾自遜陳留太守胡公碑遭叔父憂以疾自免皆單稱疾此類甚多不復備舉 隸釋泰山都尉孔宙碑會遭篤病告困致仕梁相費汎碑延究眉壽被病孫位此則遭病而歸旋即殞殞故書病吉成侯州輔碑遷臧府令後以病孫位此則真病去官故亦書病巴郡太守樊敏碑投核長驅畢志枕邱國復重察辭病不就云云秋老乞身以助義都尉養疾閭里云云此蓋先以真病辭官後以微疾遜位各書其實與例不相妨也

書歷年及卒年月日例

漢石例卷之二

太尉橋公碑春秋七十五光和七年五月甲寅薨蔡中郎集

郭有道林宗碑享年四十有三以建寧二年正月乙亥卒同上

朱學勤曰郭林宗年後漢書作四十二碑文出重刻疑誤

衛尉衡方碑年六十有三建寧元年二月五日癸丑卒集古錄

吳郡丞武開明碑壽五十七建和二年十一月十六日遭疾卒金石錄

國三老袁良碑載八十五永建六年二月戊辰卒見卷一

書春秋書享年書年書壽書載各錄其一以見例其有書歷年不書卒

年月日者梁相費汎碑碑云春秋八書歷年及卒年不書月日者太尉

汝南李公碑碑云七十有六嘉平廣漢屬國侯李翊碑碑云年五十四

書歷年及卒年時不書月日者瑯琊王傅蔡公碑碑云年五十八

書歷年及卒年月不書日者議郎元賓碑碑云年四十八

書歷年及卒年月不書日者蔡中郎集書歷年及卒年月不書日者蔡中郎集書歷年及卒年月不書日者蔡中郎集

圍令趙君碑碑云年六十有八以中平書歷年及卒年月不書月日者

胡公碑碑云年八十有二建寧五年春壬戌薨于位蔡中文有詳畧  
案胡公有三碑其二碑有卒月故此碑畧之

書卒年月日及歷年閒以事蹟例

陳留太守胡公碑建寧元年召拜議郎云云其年七月被尚書召云云其  
明二十一日遣吏云云是日疾大漸刻漏未分奄忽而卒時年四十一蔡中

書歷年及卒葬年月日例

太傅文恭侯胡公碑春秋八十二建寧五年三月壬戌薨于位四月丁酉  
葬于洛陽塋蔡中郎集又一碑云維漢二十有一世建寧五年春三月  
既生魄八日壬戌太傅安樂侯胡公薨越若來四月辛酉  
葬我君文恭侯侯見卷一

趙相劉衡碑年五十有三以中平四年二月戊午卒其四月己酉葬金石

此常例不備錄其有書歷年不書卒年月日書葬年月不書日者司隸

漢石例卷之二

從事郭究碑

碑云春秋二十八而卒中平元年歲在甲子三月而葬

書卒年月日書葬年月

不書日者冀州從事郭君碑

碑云君年卅一以光和中

二年大荒紙文

有詳畧無義例也

渾書歷年例

丹楊太守郭夏碑年過耳順寢疾殯頽金石

渾書卒年例

巴郡太守樊敏碑歲在汭洽紀驗期臻奄留臧形釋

李翊夫人碑歲在大淵獻精魂奄昏飛神天庭收荆元都同上

渾書卒例

武氏石闕銘被病云歿苗秀不遂金石錄

下同

祝長嚴訢碑顛實徂落壽不寬宏經設三命君獲其殃

從事武梁碑遭疾隕靈

逢童碑噓喻不反天隕精晃

郎中鄭固碑遭命隕身錄釋

書在官病卒例

涪于長夏承碑建甯三年六月癸巳淹疾卒官金石錄

太傅文恭侯胡公碑建甯五年三月壬戌薨于位見前

金城太守殷君碑以光緒元年九月乙酉卒官古文苑

綏民校尉熊君碑以廿一年三月廿七日丙寅卒官隸釋

熊君碑上文有興平元年故不載年號

益州太守高頤碑建安十四年八月於官卒

書致仕病卒例

北海相景君銘去官未旬病乃困危珪璧之質臨卒不回隸釋

年此不書者已見碑首

漢石例卷之二

慎令劉修碑素苦風痺到官葺月見臣吏勅兒子人命嗙吸不欲煩擾吏民欲生見舊土歸終於家百姓追逐扣馬攔輪遂不復還建甯四年五月

甲戌卒

右致仕旋卽病卒

泰山都尉孔宙碑會遭篤病告困致仕得從所好延熹六年正月乙未口

案關處當是卒字

司隸校尉魯峻碑以病遜位閉門靜居莖書自娛熹平元年口月癸酉卒

安平相孫根碑以疾去官闔門守家不競時榮養育孤穉以保壽年上乾

弗祐獲疾固口口口以光緒四年十二月乙巳卒

右致仕久始病卒 國三老袁良碑以病致仕永建六年二月戊辰卒

周令趙君碑被疾去官以中平五年冬十一月壬寅卒梁相費汎碑被

病遜位春秋八十卒凡致仕旋卽病卒與久死病卒者皆得通用

書歸葬例

劉鎮南碑時道路艱險留墳州土子授徵拜五官中郎將乃疏上請歸本縣葬見聽許太和二年葬於先塋蔡中郎集

朱公叔墳前石碑延熹六年夏四月丁巳卒于京師其五月丙申葬于宛邑北萬歲亭之陽舊兆域之南同上

案朱公叔碑卒葬皆書地劉鎮南碑卒不書地葬書地文有詳畧不別為例

書不歸葬例

文範先生陳仲弓銘昔者先生甚樂茲土築室講誨精靈所萃紀順奉雅意遂定兆域又一碑云臨沒顧命留葬所卒蔡中郎集

後漢書張霸傳遺勅諸子曰昔延州使齊子死嬴博因坎路側遂以葬焉今蜀道阻遠不宜歸塋可止此葬足藏髮齒而已崔駰傳瑗臨終願

漢石例卷之二

命子實曰夫人稟天地之氣以生及其終也歸精於天還骨於地何地不可藏形骸勿歸鄉里實奉遺令遂留葬洛陽梁鴻傳疾且困告主人曰昔延陵季子葬子於贏博之間不歸鄉里慎勿令我子持喪歸去及卒伯通等為求葬地於吳要離冢傍此皆不歸葬之證

書合葬例

議郎胡公夫人哀讚中平四年薨于京師顯追惟考君存時之命迎棺舊土同穴此城蔡中郎集

隸釋相府小史夏堪碑娉會謝氏弁靈合柩古命有之仲泥何恠此周禮嫁殤也不錄 陔餘叢考曰合葬墓誌近代如王遵巖王弇州集中皆書曰某君暨配某氏合葬墓誌識者非之以為古人合葬題不書婦今日暨配某者空同以後不典之詞也考唐宋書法並無合葬二字但云某君墓誌而已其妻之祔則於誌中見之陳君立曰叢考謂始於空

同非也唐太和時徐府君墓誌其額題徐府君劉夫人合祔銘蓋始於唐案叢考謂書合葬非古陳君謂始於唐皆是也夏堪碑不曰暨配謝氏下文馬江侯成碑同此漢碑定例也胡公先葬已有墓銘夫人後葬別爲哀讚故與同時合葬不同

書不合葬例

交阯都尉胡夫人黃氏神誥自郡尉仕于京師及廣兄弟式敘漢朝夫人居京師六十有餘載欲留此焉康寧之時亟以爲言建甯二年薨公銜哀悼祇愼其屬遵奉遺意不敢失墜乃俾元孫顯咨度羣儒以考其衷僉曰昔帝舜歿於蒼梧殯於虞郊二妃薨於江湘不卽兆於九疑延陵季子實惟吳人長子道終卜葬嬴博夫遭時而制不遠遷徙魂氣所之不繫邱壠於是公乃爲辭昭告先考然後卜定宅兆十月旣望粵翌日己酉葬我夫人黃氏于此高原雒陽東界關亭之阿

蔡中郎集

漢石例卷之二

五

碑中兼敘妻德及卒年例

郎中馬江碑夫人宛句曹氏終温淑慎咸曰女師年五十五建甯三年十

二月卒

釋隸

不日者畧之非定例

碑末附載妻卒年月日例

金鄉長侯成碑末夫人呂延熹七年歲在甲辰十一月三日庚午遭疾終

釋隸

碑稱侯成以建甯二年四月二日卒碑末大書一行夫人云云當是夫人卒後合葬書于碑末與馬君碑同時葬同書于碑不同

婦人墓碑書氏書字例

太傅胡公夫人靈表夫人編縣舊族章氏之長女也字曰顯章

蔡中郎集胡夫人

黃氏神誥議郎胡夫人哀讚並同

自周以前姓氏各別秦漢以後姓氏不分諸碑書氏不書姓書姓不書氏常例也隸續司農劉夫人碑云姓劉氏書姓又書氏蓋本史記五帝紀姓妘氏姓子氏姓姬氏之文古人文字重複往往如此然不可爲例說文氏巴蜀名山岸脅之自旁箸欲落墻者曰氏氏崩聲聞數百里象形入聲揚雄賦響若氏隕段氏注曰古經傳氏與是多通用大戴禮昆吾者衛氏也以下六氏字皆是之段借而漢書漢碑假氏爲是不可枚數故知姓氏字當作是假借姓氏字爲之是者分別之書也又說文女部姚虞舜尻姚虛因目爲姓媯虞帝尻媯汭因目爲氏段注欲於氏下增姓字云尋姓氏之禮姓統於上氏別於下鄭駁五經異義曰天子賜姓命氏諸侯命族族者氏之別名也姓者所以統繫百世不別也氏者所以別子孫之所出故世本之篇言姓則在上言氏則在下也此由姓而氏之說也既別爲氏則謂之氏姓故風俗通潛夫論皆以氏姓名

漢石例卷之二

共

篇諸書多言姓氏氏姓之見於經者春秋隱九年天王使南季來聘穀梁傳曰南氏姓也南爲逗氏姓也三字爲句此氏姓之明文也史記陳杞世家舜爲庶人時堯妻之二女居於媯汭其後因爲氏姓媯氏五帝本紀曰自黃帝至舜禹皆同姓帝禹爲夏后而別氏姓妘氏契爲商姓子氏棄爲周姓姬氏此皆氏姓之明文也左傳曰陳胡公不淫故周賜之姓使祀虞帝賜之姓者賜姓曰媯也段令媯不爲姓何以不賜姓姚而賜姓媯乎凡言賜姓者先儒以爲有德者則復賜之祖姓使紹其後故后稷賜姓曰姬四岳堯賜姓曰姜董父舜賜姓曰董秦大費賜姓曰嬴皆予以祖姓也其有賜姓而本非其祖姓者如鄭氏駁異義云炎帝姓姜太皞之所賜也黃帝姓姬炎帝之所賜也是炎帝黃帝之先固自有姓而炎帝黃帝之姜姬實爲氏姓之初始夏之姓姁商之姓子亦同然則單言姓者未嘗不爲氏姓單言氏者其後以爲姓古則然矣

至於周則以三代以上之姓及氏姓爲昏姻不通之姓而近本諸氏於  
官氏於事氏於王父字者爲氏不爲姓古今之不同也案說文以姚爲  
舜姓媯爲舜氏左氏隱八年傳天子建德因生以賜姓胙之土而命之  
氏杜注若舜生媯汭賜姓曰媯封舜之後於陳以所封之土命爲氏舜  
後姓媯而氏曰陳據此是媯爲舜姓與說文異說文是也據說文姓氏  
各別不得於氏下增姓字喪服小記復與書銘婦人書姓與伯仲如不  
知姓則書氏孔疏云若妾有不知姓者當稱氏矣是姓氏不同之證穀  
梁傳云南氏姓也傳意以南爲或氏或姓不敢遽定故云氏姓范甯謂  
氏以爲姓非也陳杞世家曰其後因爲氏姓此誤襲穀梁之文段氏從  
之非也風俗通無氏姓篇潛夫論所志氏姓其首畧敘曰凡厥姓氏皆  
出屬而不可勝紀也然則氏姓猶言姓氏倒文耳豈得以證穀梁哉今  
本史記五帝本紀帝禹爲夏后而別氏姓媯氏別氏下不重姓字段氏  
作別氏姓媯氏不知所據何本恐臆說也總之姓氏對文則異散文  
則通曰知錄曰春秋有姜氏子氏姜子皆姓而云氏是也史記所云姓  
媯氏姓子氏姓媯氏此古人文字重複處不及說文分別姓氏最爲明  
晰段氏反據史記以增改說文非也顧氏棟高春秋大事表引元史伯  
璿曰三代以後無所謂姓只有氏而已故後世但曰姓某氏而不敢曰  
某姓某氏蓋姓不可考故但虛其姓於氏之上而實其氏於下亮哉言  
平案如史氏之言當於姓上空一字旣不容字則非虛其姓於氏之上  
顧氏以爲然非也

### 書繼室例

漢交阯都尉胡夫人黃氏神誥初都尉君娶於故豫州刺史卽黃君之姊  
生太傅安樂侯及卷令康而卒繼室以夫人生童紀未甌而天夫人撫育  
遺孤導以義方

蔡中郎集

陳君立曰左傳妻稱繼室皆非敵體如聲子繼室也而春秋家謂隱母爲賤晉少姜卒傳稱妾寵之喪而齊侯請繼室于晉卽繼少姜也其非嫡夫人可知繼室稱夫人其昉於漢代乎

有官職者妻得統稱夫人例

漢交阯都尉胡夫人黃氏神誥夫人江陵黃氏之季女云云蔡中郎集下同

太傅安樂侯胡公夫人靈表夫人編縣舊族章氏之季女也云云

司徒袁公夫人馬氏靈表維光和七年司徒袁公夫人馬氏薨云云

議郎胡公夫人哀讚議郎夫人趙氏字曰永姜云云

周制天子有三夫人諸侯之妻稱夫人秦漢時三公稱公其妻稱夫人常例也然子孫尊其先世後進尊其鄉先生不必三公亦稱公不必夫人亦稱夫人胡袁二公其妻稱夫人此三公之妻稱夫人也都尉議郎之妻亦稱夫人此非三公之妻亦得統稱夫人也近世諸生之妻及世

漢石例卷之二

九

族之婦雖無官職統稱孺人蓋與此同

敘婦人家世例

漢交阯都尉胡夫人黃氏神誥夫人江陵黃氏之季女其先出自伯翳別

封于黃以國氏焉高祖父汝南太守曾祖父延城大尹祖父番禺令父以

主簿嘗證太守事奉明君以立臣節漢南之士以爲美談蔡中郎集下同

司徒袁公夫人馬氏靈表夫人右扶風平陵人也曾祖中水侯祖將作大

匠考南郡太守中水侯弟伏波將軍女在淑媛作合孝明誕生孝章婚姻

帝室

婦人墓碑敘先世常例也袁夫人靈表伏波將軍之女於夫人爲祖姑

而亦敘之者以其爲太后故大書以示重又此表不敘子孫隸釋李翊

夫人碑亦不敘子孫蓋婦人立碑有二或婦人先卒其夫尙在其子孫

之數不可豫定故不書或夫已卒而婦人別葬其子孫已載其夫墓碑

故亦不書上文胡夫人神誥書其以生子者將敘其撫育前室子故書  
下文子立母碑例袁夫人碑銘書其所生子者碑為其子立故書女立  
母碑例胡夫人靈表書其所生子者將敘其諸子早卒女為立碑故書  
書子孫官爵例

國三老袁良碑時元子光博平令中子騰尚書郎少子璋謁者詔書壁口  
口可父事羣司以君父子俱列三臺云云於是厥孫衛尉滂司徒掾宏  
泗刊石作銘云云釋隸

太尉楊震碑長子牧富波侯相次讓趙常山相次秉實能續修復登上司  
陪陵京師次奉黃門侍郎牧子統金城太守沛相讓子著高陽令同

書弟及子官爵事蹟例

綏民校尉熊君碑君同產弟望季公名望字季公質性伉慨史魚之直吏功曹  
列掾督郵都梁長早終君長子再孝存名再字再存姿操敦良耽志好學博覽

漢石例卷之二

雅藝口口曹列口三奏辟召於州終隸碑

後漢書蔡邕傳注引邕祖攜碑云長子棧字伯直處俗孤黨不協于時  
垂翼華髮人爵不升年五十三卒諡法曰清白守節曰貞純行不差曰  
定此子先父卒於其父碑中詳載其子事蹟者但未及兄弟耳附錄於  
此

書孤嗣例

文範先生陳仲弓銘孤嗣紀云云蔡中郎集

隸釋司隸從事郭究碑外黃令高彪碑並稱孤嗣按孤嗣猶孤子也變  
子言嗣者子兼男女之稱嗣則專指男也其實漢人亦稱孤子漢書嚴  
助傳孤子誑號是也曲禮孤子當室冠衣不純采鄭注謂年未三十者  
三十壯有室有代親之端不為孤也深衣注亦云三十以下無父稱孤  
案鄭義本諸孟子王制然漢人撰文長幼俱得稱孤今世亦然隸釋義考

人父亡稱孤子母亡稱哀子按古禮父母喪皆稱哀子不特為母亡也  
孟國子幼而無父曰孤故父喪亦稱孤子如稀康與山巨源絕交書少加  
孤露又趙彥深見母孤陳須矣曲禮諸侯在喪曰適子孤在傳列國有  
他國弔舍諶皆對曰孤某須矣曲禮諸侯在喪曰適子孤在傳列國有  
凶稱孤在喪也亦有凶也皆通乎父母之喪言之非專係子父也宋書巴  
陵王休若傳謝朓以死報今日當與諸護軍同死社稷是母喪亦稱孤子  
受先帝顧託木以死報今日當與諸護軍同死社稷是母喪亦稱孤子  
矣六朝人每言偏孤梁書韋叟父早卒叟少而偏孤事母以孝聞此父  
母亡者梁書裴子野生而偏孤貞父早卒叟少而偏孤事母以孝聞此父  
母以孝聞此母先亡者謝安傳貞母所養魏書裴延儒寡父孤子事  
無下屬今世以孤屬父曰孤屬母云云注曰今儀父及相稱孤子孤孫  
以下宅世兆孤孫則孤哀之分稱實始於唐不自溫公始宋政和孫  
母及祖母稱哀子哀孫則孤哀之分稱實始於唐不自溫公始宋政和孫  
禮虞祭至大小祥祭祇文父曰孤子

碑有稱孝孤者北軍中候郭仲奇碑有稱孝子者北海相景君銘從事

武梁碑土虞禮孝子某特性少牢禮孝孫某鄭注土虞禮曰喪祭稱哀

祭也謂自卒哭以後之祭也吉則申孝之心故祝辭云孝也喪凶祭謂  
自虞以前祭也喪則痛慕未申故稱哀也審是則凡稱孝者皆已葬之  
詞有稱遺孤者博陵太守孔彪碑故民吳仲山碑有稱咳孤者淳于長

漢石例卷之二

夏承碑咳孤即孩孤說文咳小兒笑也孩古文咳從子內則父執子之

內則作孩與釋文合阮太傳禮記校勘記曰惠校宋本咳作孩通典六  
十八引亦作孩然則咳孩一也史記扁鵲傳不能若是而欲生之會不  
可以告咳嬰之兒有稱孤生者慎令劉修碑以上諸碑又有單稱孤者  
終日亦作孩字

司空文烈侯楊公碑朱公叔墳前石碑議郎胡公夫人哀讚又有稱孤

而繫以數者太尉橋公廟碑碑並見蔡中郎集又有單稱息者司隸

校尉魯峻碑隸釋息即子也趙策老臣賤息舒禮後漢書光武十王

宗寅曰息兼男女之稱東漢臨命上疏謝曰息政小人也息也前漢君  
紀臣有息女願為箕帚妾是以女為息恭冕曰梁武帝長安有狹邪行  
清綺總轡游南皮此亦女稱息者

書哀子例

司徒袁公夫人馬氏碑銘哀子懿達仁達云云蔡中郎集

儀禮士喪禮筮者命曰哀子某為其父某甫筮宅泄卜命曰哀子某來  
日卜葬其父某甫土虞禮始虞用柔日曰哀子某哀顯相夙興夜處不

甯再虞三虞如初將旦而耐則薦卒辭曰哀子某來日某儕耐爾于爾  
皇祖某甫尙饗女子曰皇祖妣某氏饗辭曰哀子某圭爲而哀薦之饗  
鄭注喪祭稱哀案此則哀者未耐以前之稱考妣同之故漢人據以入  
碑文今世母歿稱哀母存不得稱哀乃唐開元以後之制詳見前注

書無子例

元文先生李子材銘初娶配出後配未字年旣五十苗胤不嗣

蔡中郎集

公卿大夫爲卑官處士立碑例

陳太邱碑河南尹种府君追歎功德迹錄高行重部大掾以成斯銘

蔡中郎集

貞節先生范史雲碑太尉張公兖州陳君陳留太守涓子君外黃令劉君  
謀於耆舊刊石樹銘

同上

二碑於立碑人書姓不書名尊之也陳君以下以張太尉故同不書名  
其實郡邑之長書名也

漢石例卷之二

五

邑長爲邑人立碑例

孝廉柳敏碑建甯元年縣長同歲健爲屬國趙臺公憤然念素帛之義其

二年十月甲子爲君立碑

釋

隸釋曰柳君以本初元年死后二十三年縣令趙臺念其墓无碑識故  
爲立石

父母爲子立碑例

冀州從事郭君碑哀哀考妣追惟賈靈卜商號咷喪子失明

金石錄

生稱考妣今所不用已見敘

戚伯著碑父哀母悲傷其口絕

隸釋

僚友立碑例

敦煌長史武斑碑於是金鄉長河間高陽史恢等追惟昔日同歲郎署故  
口石銘碑碑末尙書丞沛國蕭曹芝云云

隸釋

隸釋曰漢碑多門生故吏所立至於同舍爲之者唯武斑及柳敏兩碑  
日知錄曰今人以同舉爲同年漢人已有之後漢書李固傳云有同歲  
生得罪於冀風俗通云南陽五世公爲廣漢太守與司徒長史段遼叔  
同歲又云與東萊太守蔡伯起同歲又云蕭令吳斌與司徒韓演同歲  
三國志魏武帝紀云公與韓遂父同歲孝廉同歲卽今之同年

姻戚立碑例

堂邑令費鳳碑夫人元弟故□□□守卜肩追而誅之云云隸釋金石錄册節無故

字以下

費鳳別碑金石錄作費君碑陰君舅家中孫甘陵石勛字子才載馳載驅來奔于喪

庭不堪哀且思敘詩之一篇云云同上金石錄册節作君舅家中孫甘陵石勳字子才所述

子立父碑例

司空文烈侯楊公碑其孤彪敢儀古式昭銘景烈銘曰天鑒有漢云云乃

漢石例卷之二

三

及伊公云云蔡中郎集

序文稱公銘辭稱伊公碑雖其子所立而辭則撰人之稱

文範先生陳仲弓碑孤嗣紀銜恤在疚遂宅兆域宜有銘勒表墳墓銘曰

於熙文考云云同上

序文稱君稱先生銘辭稱文考又稱君序文則撰人之稱銘則代其子稱之也 文考二字今人宜避見敘下列考同

中常侍樊安碑嗣子遷實以幼弱夙敘王爵而喪所天禮備復位以延熹三年冬十有一月自上烝祭乃尋惟烈考恭修之懿勒之碑石俾不失墜

古文苑

鴻臚陳君碑有子曰羣追惟蓼莪罔極之思乃與邦彥碩老咨所以計功

稱伐銘贊之義遂樹斯石用監于後同上

丹楊太守郭旻碑諸子曷仰三載禮闋迺羣相與刻石勒銘金石錄

司隸校尉魯峻碑息獻不才弱冠而孤承堂弗構所薪弗何悲蓼義同之

不報痛昊天之靡嘉頰企有紀能不噓唐刊石敘哀隸釋

司隸從事郭究碑孤嗣叫號涕零如雨敢慕衛惺讚先之義乃伐石興碑

以旌厥魂同上

以上五碑皆子稱其父之詞

子立母碑例

司徒袁公夫人馬氏碑銘維光和七年司徒袁公夫人馬氏薨其十一月

葬哀子懿達仁達銜恤哀痛靡所寫懷乃撰錄母氏之德履示公之門人

觀文感義采石於南山謚之羣孺假貞石以書焉隸釋

孫立祖碑例

國三老袁良碑於是厥孫衛尉滂司徒掾宏闕乃刊石作銘其辭曰飛清

邈紛其屬云云隸釋

漢石例卷之二

清于長夏承碑咳孤憤泣怛傷摧勒銘金石惟以告哀其辭曰於穆皇

祖天挺應期云云

梁相費沆碑適孫均感奚斯之義刊銘元石旌勒厥美俾闕覽焉其辭曰

穆穆顯祖厥德懿錄云云

袁良碑撰文者之詞夏承費沆碑卽其孫之詞皇祖二字宜避見敘祭

法顯考廟註顯明也正義顯考廟者高祖也顯明高祖居四廟最上故

以高祖目之案費沆碑稱顯祖者自高祖至考皆得以顯明尊稱之今

世猶然

女立父碑例

先生郭輔碑其季文明文穎川之夫人也感惟考妣克昌之德登山采石致于墓道邑人縉紳刻石作歌隸釋水經注曰碑無年號不知何代人集古錄曰碑以如爲而及用鄉鄙字

與婁壽碑同蓋漢人如此隸釋曰碑有兩昭字晉人所諱疑是魏刻案  
碑有昭字無以定其爲魏刻今從歐陽氏水經注清水篇云清水南  
道側有二石樓題言蜀郡太守姓王字子雅南陽西鄂人有三女無男  
而家累千金父歿當葬女自相謂曰先君生我姊妹無男兄弟今當安  
神元宅翳靈后土冥冥絕後何以彰吾君之德各出錢五百萬一女築  
墓二女建樓以表孝思案子立父碑常例也若無子女亦得立碑王子  
雅女築石樓費至千萬侈已極矣其文當卽刊於石樓柱壁是亦碑類  
因附錄之又沔水上云聿水又東逕七女冢元嘉六年大水墳崩得一  
埴刻云項氏伯無子七女造柳世人疑是項伯冢案此冢無  
以定其爲封射陽項伯之  
冢且其文太畧不可爲例

女立母碑例

大傳胡公夫人靈表夫人生五男長曰整伯齊次曰千億叔韓次曰甯穉  
威次曰頌季獻皆早卽世元女金盈追慕永思遂立斯表鵠著堅珉祭中  
卽集

漢石例卷之二

十四

子立母碑常例也女立母碑必夫人無子或有子已故故碑文特表出

之碑文五男而故者  
四人其存者蓋幼

弟立兄碑例

卽中鄭固碑琦瑤延昌爲至憲不紀則鐘鼎奚銘昔姬口口武弟述其兄  
行於茂陋獸曷敢忘乃刊石曰旌遺芳隸

王氏懷祖讀書雜誌載此碑文云昔姬公口武弟述其兄句綜口口

句口口行於茂陋句獸曷敢忘句乃刊石句曰旌遺芳句於茂陋者

於音烏歎詞也茂陋謂鄙小也鄭注君夷云茂小也高注  
淮南修務篇云陋鄙小也漢書韋元成

傳云於茂小子與此於茂陋同義兄行忘芳爲韻兄讀若荒行讀若杭

隸辨以行於茂陋四字爲句則既失其義而又失其韻矣

弟及子同立碑例

慎令劉修碑二弟龍純孿哀孔懷孤生僑協邵長號思慕立此碑銘隸

子吏門人同立碑例

太尉橋公廟碑三孤故臣門人相與述公言行云云銘曰光光烈考云云蔡中

廟碑入墓碑例者其例從同又以類相附後不更見子吏門人同立碑而銘詞稱烈考從其親者言也然今時宜避

門生為師之祖父立碑例

太尉楊震碑長子牧牧子統統之門人汝南陳熾等緣在三義一頌有清廟故敢慕奚斯之追述樹元石于墳道釋

門生為師之子弟立碑例

童子逢盛碑年十有二沒而不存於是門生東武孫理下密王升等感傲三成一列同義故共刊石敘述才美碑陰五官掾崔孟祖云云右縣中士大夫高密徐承興祖云云右家門生釋

漢石例卷之二

隸釋曰縣中士大夫其父黨也故不名是也案盛乃童子必無門生碑稱門生碑陰稱家門生必是其父門生漢人門生之稱凡對其師家人言之皆然

父子同塋立碑例

郎中鄭固碑先是君大男孟子有楊烏之才年七歲而天故建口共墳配食斯壇巨慰考妣之心釋

錢氏大昕金石文跋尾曰喪服傳不滿八載以下為無服之殤鄭君長男孟子七歲而天乃建墳與固配食此禮之過而失其中者案錢氏所言是也然可為父子同塋立碑之例

兄弟同塋立碑例

郎中馬江碑君中弟字文緒位主簿督郵志行闕期落落自有大節年卅二早世短折故塋迫彥釋兆告斯土釋

隸釋曰馬君元嘉三年卒建甯三年夫人曹氏卒

碑文見前

相去十七年又

載其弟文緒年三十二早也當是因夫人卜兆以馬君共塋又同時改厝其季故作碑併言之石有斷缺不能詳攷其云東看祖禰西瞻舊廬可見其瘞以昭穆也

隸續司隸校尉楊准碑云故司隸校尉楊君厥

諱准字伯邳舉孝廉尚書侍郎上蔡雒陽令將軍長史任城金城河東

山陽太守御史中丞口爲尚書尚書令司隸校尉將作大匠河南尹伯

邳從弟諱弼字穎伯舉孝廉西鄂長伯母憂去官復舉孝廉尚書侍郎

遷注丞冀州刺史大醫令下邳相元弟功德牟盛當究三事不幸早隕

國喪名臣州里去覆二君清頌約身自守俱大司隸孟文之元孫也黃

門同郡卞玉字子珪以熹平二年二月廿一日謁歸過此追述勒銘故

財表紀

碑文金錄

案碑題楊准而兼敘其從弟弼又稱弼功德牟盛而不及

准爲准立碑而詳畧互異此例之變也當是准弼二人共葬一塋因共

### 漢石例卷之二

吳

立一碑而准爲弼兄遂題爲准其實因弼立也雜例中有兩人共立一碑非以表墓故此碑附錄於此

#### 婦耐姑墓例

太傅安樂侯胡公夫人靈表建甯三年薨夫人之存也契濶中饋婉變供

養依生奉仁紹述雅意其閏月附于太夫人窀穸于茲地

蔡中郎集

#### 孫耐祖墓例

交阯都尉胡夫人黃氏神誥建甯二年薨于太傅府是月辛酉公之季子

陳留太守碩卒于洛陽左池里舍十月旣望粵翌日己酉葬我夫人黃氏

及陳留太守碩于此高原雒陽東界關亭之阿

阿上

公謂胡廣夫人乃廣母碩乃廣子夫人之孫此孫耐祖母墓也其孫祖

祖父書法亦同故特著爲例碩稱名者以其耐祖母又對其父稱之禮

所云父前子名也

碑敘首總敘立碑人例

山陽太守祝睦後碑故吏王堂等竊聞下有迹上之功臣有敘君之德云  
錄集古乃相與刊勒金石釋

碑中敘立碑人爵里姓名例

太尉橋公碑於是故吏司徒博陵崔烈廷尉河南吳整等乃共勒嘉石永  
昭芳烈蔡中郎集下同

太傅胡公碑掾太原王允雁門畢整扶風曾宙潁川殷歷等相與累次德  
行撰舉功勳刊之于碑又一碑云故吏濟陽池喜感公之義乃樹石作頌  
又一碑云故吏司徒詡等論集行跡銘諸琬炎

太尉汝南李公碑故吏潁川太守張温等刊石立碑德載不泯

太守胡公碑於時陳留主簿高吉蔡軫等咸以郡選充備官屬遂樹碑作  
銘以表令德

彭城姜伯淮碑弟子陳留申屠蟠等乃建碑於墓

漢石例卷之二

三

此例甚多中郎集外不復詳引其有渾敘立碑人不書姓名者太尉楊

公二碑楊秉碑云於是門人學徒相與刊石樹碑楊賜碑云惟我陳留  
下流二三小臣紀公勳績刊石立銘蔡中郎集下同

太守胡公碑述君德追痛不遺猶神爰明哲如何勿銘郭有道林宗碑云  
凡我四方同好之人永懷哀

掉於是建碑表墓昭銘景行翟先生碑碑云於是鄉黨乃相汝南周巨  
勝碑碑云遐邇歎悼痛心失圖乃相與建碑勒銘以旌休美金石錄

刺史度向金鄉長侯成小黃門附錄於此不別爲例

誰敘凌儀令衡立諸碑畧同

碑中渾敘立碑人碑陰詳載姓名例

泰山都尉孔宙碑於是故吏門人乃共陟名山采嘉石碑陰門生鉅鹿瘦

陶張雲字子平云云隸釋

繁陽令楊君碑故吏臣隸適共追錄厥軌鑄石示後碑陰故功曹史關

功曹史成功豫伯舉云云

高陽令楊著碑門徒小子喪茲師范故樹斯石以昭厥勲碑陰□□孫甫

○鉅鹿時稚明云云

吉成侯州輔碑於是鄉人姻族乃相與刊石樹碑碑陰漢陽太守闕故京

兆尹延篤叔堅云云

凡碑陰書立碑人爵里姓名字五者皆備隸釋沛相楊統碑陰懷陵園令相蔣禧字武仲博陵太守孔彪碑陰司徒掾博陵安平崔烈字威考是也孔宙諸碑五者不備文有詳畧無義例也其有先書姓次書爵次書名都鄉孝子嚴舉碑陰向主吏諱夏云云楊督郵諱鎮云云楊侯同諱龐云云趙掾諱護云云是也隸續曰鼎其姓於吏職之上而以諱挈其名漢碑他無此式

碑中渾敘立碑人碑末夾注姓名例

衛尉衡方碑於是海內門生故吏□□□采嘉石樹靈碑碑末夾注門生平原樂陵朱登字仲釋隸

漢石例卷之二

天

碑中敘首立碑人碑陰敘同立碑人復書首立碑人例

沛相楊統碑故吏戴條等造鑄石立碑碑陰故□□□郎中令□戴□字叔釋隸故吏懷陵園令相蔣禧字武仲云云

博陵太守孔彪碑□吏崔□□□王沛等乃刊斯石碑陰故吏司徒掾博陵安平崔烈字威考故吏齊□博陵安平崔恢字行孫故吏乘氏令博陵安平王沛字公豫故吏司空掾博陵安國劉憲字伯桓云云同

碑陰載立碑人姓名同郡不書郡同縣不書縣例

元儒先生婁壽碑陰故五官掾婁□伯故守長史掾夏光淵云云隸釋

吉成侯州輔碑陰漢陽太守闕故京兆尹延篤叔堅故東平相溫貢顯宗云云同

司隸校尉魯峻斷碑陰闕延上闕文臺邾仲軍彭城徐文達汝南袁彥和翟公勝仲孝安云云隸釋

婁壽碑云南陽隆人魯峻碑云山陽昌邑人州輔碑其郡邑刊闕隸釋曰婁壽碑陰可見者五十四人漫滅者四人其稱南郡汝南者二人餘蓋南陽人州輔碑陰自漢陽太守而下四十有九人其八人稱邑曰冠軍曰宛曰章陵曰新野曰比陽曰魯陽皆南陽之邑餘人唯延篤有傳乃南陽犇人則不稱邑者犇之人也碑云鄉人姻族相與刊石則又知輔爲犇人也魯峻斷碑陰九十有一人書姓字而不名惟徐袁二人有郡婁壽碑陰不出郡者皆同郡人也州輔碑陰不出縣者皆同縣人也此殘碑貫彭城汝南者各一人則其餘皆山陽人也

碑陰人名後各總標郡縣名例

太尉郭禧碑陰於立碑人姓名後云右河南右河內郡右宏農郡右扶風郡金石錄

太尉劉寬碑陰門生名後云右河南郡右河內郡右河東郡右京兆右扶

漢石例卷之二

元

風郡右馮翊郡右南陽口右口川郡右口國右陳留郡隸續

右總標郡名 劉寬碑陰王曜以下有爵秩者皆特書爵郡縣姓名字

碑云故華陰令相國別部司馬漢陽河陽王曜孝起云云左宮以下無爵秩者各書縣姓名字碑云

左宮叔而總標郡名有爵詳無爵畧又常例中之變例

故吏應酬殘題名故吏應酬云云又一行右鄆故吏舒苗云云又一行右

江原隸釋

右總標縣名 隸釋曰鄆江原皆隸蜀郡此蓋蜀郡太守碑陰

